

重輯薊州志序



郡縣之有志猶國之有史  
也以一境之內山川田賦  
士習民風與夫古今來可  
思可慕之人可激可勸之  
事莫不志之使後之觀風

者有所採錄而爲政者有  
所考效焉則夫志之所繫  
亦重矣哉薊州古漁陽地  
也左扼山海右控居庸背  
連古北枕山帶河重關複  
阻實

畿輔之屏蔽三邊之衝要也  
自我

朝定鼎以來

盛京遵化建立

陵寢設防衛通漕運以是差徭  
絡繹應接爲艱而且風俗

澆漓撫綏不易事日益繁  
地日益重官斯土者雖具  
弘才遠畧能無深慮乎歲  
甲戌余以三河令奉

命來守茲郡凡六年而憂服南  
歸壬午之夏起復就補荷

聖恩高厚再有薊州之

命到郡之日復取舊志閱之乃

康熙十八年董刺史廷恩

所脩定者至於今二十五

年間因革事宜漫無稽考

遂於案牘之暇用是究心

繁者削之畧者增之其中  
搜羅補綴覈舊訂新則郡  
人副貢崔顏等共勦纂記  
非余一已之心力所能勝  
任也嗟乎觀山川之險易  
則可以動保障之思觀田

賦之多寡則可以厯愛養  
之慮觀士習民風之淳薄  
則可以施振興維挽之術  
上不負

君親下不負民中不負己此爲  
民父母者所當知也余因

之有感矣桑無附枝麥秀  
兩岐此古之歌謠於國中  
者遺響猶存也彼何人歟  
而得民心若是使清風令  
名獨奮乎百世之上歟官  
斯土者可以思矣書成而



序之以自勵并告後來之  
賢大夫共知此意焉

晉

康熙四十三年正月上元  
日

奉直大夫順天府薊州知

州加七級蕭山張朝宗撰



原序

一代之興必有一代之鉅典百世之治必有百世之傳書若是者非好勞而多事也天下大勢不能留渾噩而不文明古聖徽猷局可令一時而不千載此爲文韻字之所以垂素帛竹書之所以備恒使當世之士身不而斗室目不赴尺箋而天地之大小古今之遙如鏡眉指掌之不可易記載之爲功顧不大哉故在國有史在郡有誌其規模廣狹有不同至於持綱紀勵風俗考時代之興廢辨政治之得失固屹焉而莫之或異也然其間有誌而不誌不誌而誌者則又何以說焉自三代以徃世降風漓

以趨炎邀利之心矜含毫自得之意徃徃有敗絮其中而不妨金玉其外者卒之公道難揜愈蓋彌彰此誌而不誌之說也若夫士逃名至人遯世固無論矣間有功德在世名姓失傳文獻空存幽馨難覓者偶得於稗官野史之編村豎蕘人之口蚌珠石玉光燄自若非所謂不誌而誌者乎是以誌之爲要取其實不取其名貴其確不貴其艷渾厚云美而勿失於包荒精詳宜務而弗鄰於粉飾斯爲世之足重也余自蒞薊以來暇披舊志上遡唐虞遞及明末其得之于天者有朝霞晚翠之奇其得之於地者有巒峙泉流之致卽山人事觀之城廓宮室遠近巍

峩疆畝屢林雲星錯落兼以忠臣孝子曰不暇接烈士貞姬口  
不停頌誠洋洋乎大國之風也迨夫盛衰易故兵戰迭興風景  
雖存已非復彼都人士之舊矣近因

聖代維新重修州誌詎非余之責也哉然猶未敢以白恃也尊  
國典則不得不禮師儒搜遺珍則不得不廣衆見欲求直筆則  
正人不可不親雅重弘詞則專司不可不慎至是而群力畢協  
新書告竣矣詳其義意會其曩括較之前誌雖不無青出於藍  
之歎然有所因也而非襲青峰綠波百代常新有所革也而非  
儉滄海桑田變遷靡定有所增益也而非黜聖憐材慕義人有

同心苦節純忠實難湮沒誌之大畧盡此矣豈弟君子民之攸  
暨後有繼余而司土者倘有志於振綱肅紀易俗移風以復乎  
彼都人士之舊可不於斯誌而問津也哉

康熙十七年戊午孟冬奉直大夫知薊州事三韓董廷恩撰

凡例

一州志之傳始世遠難稽舊志所載一修於成化十四年郡  
守汪公溥再修於嘉靖二年道臺熊公相三修於崇禎元  
年郡守趙公三極學博劉公襄及庠生侯來同高惟遜崔  
冕至

國朝康熙十七年郡守董公延思學博郭濬梁士滋左方焯  
及貢生路淇廩生孟淑孔又重修之第緣壬午之後志之  
錢板藏書悉付於訛所以修志之時惟存斷簡殘編難  
於稽攷故其間缺畧甚多邇年已來城垣復修河道復濬

漕運復通倉廩復建凡所以裕

國利民之事莫不悉皆興舉是臣民日以豐物日以阜則志之重修固不可須臾緩也歲壬午之冬奉

特旨命張公壽琮復剡漁陽癸未之夏張公因舊志太畧而重

修之令

業

黃其事

業

雖庸非然敢不竭蹶勉遵以襄一時

之盛舉乃依舊志仍爲八卷其大綱七則益爲八則節目四十一條益爲七十有九條凡舊志所載諸事不敢妄減一字惟補其缺增其畧正其誤訂其謬而已庶使咸知勸郡風氣之盛於往昔者有如此也



一志疆域以輿圖爲首知輿圖則疆界定然後可以推星野  
次則古來沿革而後名山大川泉源形勝風俗祥異古蹟  
美景挨次序列以載一郡之盛而薊郡勝景惟盤山最多  
故凡盤山諸勝另列盤勝一條以便覽焉

一志建設郡以城爲主故城池首列城以州署爲主次於城  
者卽州署而各署咸附之有州卽有學故學宮卽次於州  
署壇廟爲祀典所關次於學者惟此爲急市井乃民生貿  
易資生之所序之以見教養並重之意街坊庄村繼於市  
集之後以見富庶之美橋梁關津通行旅防不虞賢祠古

墓懷前哲紀昔賢僧寺道觀之繁益見郡中之盛挨次順序不敢紊越盤剝一條亦卽盤勝之意

一志賦役里甲脩而後戶丁有定址戶丁立而後田賦有從出 恩賚乃愛惜斯民之 仁政土產乃滋養斯民之利澤故依次序之若 陵糈禮學兵工諸政乃經制之設不可不脩述焉玉平二邑雖各爲政然旣爲郡轄自宜畧載其大槩以存統屬之意

一志官秩官之品級自有崇卑之別然皆設立分職各司其事者理應文武分列各依次序載其姓名籍貫知建設之

意如有政跡可稱者則備述於名宦志中不於此多贅道  
司二缺雖已奉裁豈可因其裁汰而沒其姓氏故亦附之  
於後如同判倉遞亦係奉裁惜舊志刪去姓名年久無從  
查攷不及叙入焉

一志名宦仁聲惠政施及於民使人沒世稱之而不能忘載  
入志中以彰前賢之德澤以啟後賢之效法挨職序連以  
便觀瞻

一志仕紳文武二途自古並隆如我

國家則三途通用尤爲邁越前代安可不備錄以見得人之

盛有如此者

一志人物一鄉之善可以風範天下鄉賢自宜首列孝義節烈尤爲世不常有故必脩述其始末流寓仙釋羽應載入志中亦並錄焉

一志藝文恭逢我

皇上天亶聰明

聖學日懋

宸翰綸音

賜賚於天下者不能勝計州之盤山亦得叨有

恩綸乃亘古所罕有者豈得不亟爲脩述

盛典於志中以永垂於不朽首列

宸翰恭紀

皇上聖翰玉音

皇太子暨

直王所 賜盤山匾聯次及諸興建碑記哲人吟咏附之

於後至於盤山題記吟咏甚富則已載於盤山志中此志  
不及脩載

薊州志目錄

順天府薊州知州加七級湘水張朝琮重修

儒學學正瘦陶李宗柟

同叅訂

訓導直沽馮 銜

吏

自古越潘錫榮較梓

漁陽驛驛丞構李驛

棠編次

候選縣丞郡人崔

顏同輯

候推營守備加一級郡人王家福採訪

卷之一

目錄

疆域志

輿圖

星野

沿革

名山

大川

泉源

形勝

風俗

祥異

古蹟

美景

盤勝

卷之二

建設志

城池

公署

學宮

壇廟

市集

山站

隘口

橋梁

關隘

城門

溝壑

營門

後志

里甲

戶丁

田賦

恩養

土產

陵藉

鹽法

禮儀

學政

驛傳

兵制

工作

屬邑

卷之四

官秩志

知州

學正

訓導

吏目



驛丞

僧正

道正

都司

千總

把總

把總

把總

把總

守備

千總

千總

道司

三衛

卷之五

名宦志

兵道

分司

知州

同知

判官

學正

訓導

衛所

卷之六

仕紳志

科甲

副榜

恩生

歲貢

側監

吏員

武榜

武紳

卷之七

人物志

鄉賢

孝義

節烈

流寓

仙釋

卷之八

藝文志

有少一八

宸翰

碑記

詩句